



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 117. Variæ Decisiones jussu Summi Pontificis emanatæ.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII. hanc in rem fermone omnes hortaba-
A. C. 1610. tur, ut eleemosynis, jejuniis, ac oratio-
 nibus Spiritus Sancti gratiam implora-
 rent. Porro convocabantur ad vigesimam
 primam præfati Mensis diem omnes,
 quotquot Romæ agebant, Cardinales,
 Patriarchæ, Archiepiscopi, Episcopi,
 Sedis Apostolicæ Notarii, Auditores,
 necnon Magister Sacri Palatii, Secretarii
 & Promotor Fiscalis, quibus præsentibus
 Pontifex cunctorum suffragia col-
 ligi jussit, demum vero de vita & mi-
 raculis Beati Caroli tam luculenter dis-
 seruit, ut nemine refragante omnes
 eum Sanctorum honoribus dignum a-
 pertis eorum suffragiis censerent. Tan-
 dem die prima Novembris Papa Bea-
 tum hunc Cardinalem Sanctorum Con-
 fessorum ac Pontificum albo, consueta
 solemnitate adscripsit, ejusque festum
 quotannis die quarta ejusdem Mensis
 celebrari præcepit: Huic suæ Consti-
 tutioni triginta tres Cardinales subscri-
 ptos legimus.

§. CXVII.

Variae Decisiones jussu summi Pontificis emanatae.

Decret. S. Pleraque etiam dubia, quæ circa va-
Congr. Rit. rios Ecclesiæ ritus occurrebant, hoc
Decis. SS. anno summi Pontificis auctoritate de-
Cong. Concil. & *Episc.* cisa

cisa ac declarata habentur, & primo Sæc. XVII.
quidem Sacra rituum Congregatio die A. C. 1610.
vigesima tertia Januarii decidit, quod
S. Reliquias in supplicationibus defer-
re pertineat ad Priorem Conventus,
unde eæ sumuntur, in ejusmodi tamen
processione Regulares digniorem locum
Clero sæculari cedant, die autem sexta
Martii eadem Congregatio declarabat,
quod Canonici assistentes Episcopo præ-
cedant Generalem ejus Vicarium, sint-
que ante ipsum incensandi, Protono-
tarii tamen Titulares non valeant su-
mere Paramenta de Altari pro Missa,
sed in Sacristia: Pariter die octava Maji
orto dubio Sacra Concilii Congregatio
decidebat, quod Confessarii ab Episcopo
approbati sive sint Regulares sive sæ-
culares nullo pacto valeant Confessio-
nes excipere extra Diæcesin Episcopi
approbantis, etsi consentes sint eidem
Episcopo subjecti: decisum quoque die
vigesima secunda ejusdem Mensis, quod
Episcopus ad Lectiones Theologicas pos-
sit quidem Dignitates & Canonicos hor-
tari, non tamen cogere: Rursus die
decima Junii S. Episcoporum Congre-
gatio contra quasdam Neapolitanas Mo-
niales declarabat, quod licet eis sit
concessum altare privilegiatum cum ea
clausula: *ut ad illud quiscunque Sacerdos*
celebraturus sit &c. his verbis Ordinario
M m 2 nil

Sæc. XVII. nil sit derogatum, quin prohibere valeat, ne quis sine ejus licentia ibi celebret. Præterea in eadem Congregatione die vigesima quinta ejusdem Mensis, declaratum est, quod si quis certo sciat, datam sibi facultatem excipiendi Confessiones, tutus sit in conscientia, etsi Episcopus dicat, se non meminisse: si vero dubius sit de facultate sibi concessa, curet, ut ab eo absoluti iterent Confessiones, ipse vero deinceps abstinere ab audiendis Confessionibus absque nova Episcopi Licentia: pariter die secunda Octobris decisum est, quod Nuptias benedicere non valeant Canonici, sed tantum Archipresbyter, qui est Curatus: tandem dubio in Urbevetana civitate exorto die vigesima Novembris a S. Rituum Congregatione declaratum, quod nullo modo conveniat, ut Magister Capellæ in supplicationibus incedat cum Beneficiatis, sed incedat cum suis Cantoribus immediate ante ipsos Beneficiatos, vel in loco per Episcopum assignando.

§. CXVIII.

Cynthii Aldobrandini Cardinalis obitus.

Ciacon. ad vitam Clem. VIII.

Primam hujus anni diem Purpuratorum Collegium [non sine planctu auspici-